

Il Mobile Banking da la BCG

Reglar ils affars bancars dapertut ed a moda segira e cumadaivla

■ (cp) L'internet mobil è ina part centrala da noss mintgadi. Adina daplì umans nizzegian lur telefonin per acceder ad infurmaziuns dal web u per reglar ils affars bancars a moda simpla e cumadaivla. In team da la Banca Chantunala Grischuna (BCG) respunda il favrer ed il mars en indesch agenturas dal chantun a dumondas en connex cun il diever e la segirezza dal Mobile Banking. La quota da participaziun al martgà dals smartphones è puspè s'augmentada ferm il 2014, ina fin n'è betg previsibla. Il telefonin sco accumpagnader stabel mida era l'affar bancar. Gia ussa derivan passa diesch pertschient da tut las annunzias a l'e-banking via apparats finals mobilis. La BCG prenda part da quest svilup e porchà a las clientas ed als clients soluziuns segiras e confortablas.

Avair sut controlla las finanzas dapertut ed adina

Il basegn da pudair reglar ses affars bancars dapertut ed independentamain dals temps d'avertura resguarda la BCG cun l'app gratuita Mobile Banking per iOS ed Android. Las utilisadras ed ils utilisaders pon per exempel verifitgar lur saldo dal conto u ils curs da stgomi, assegnar daners sin contos u surdar incumbensas da bursa. Fitg pratica è la funcziun da scannar integrada. Cun quella pon ins registrar cedels da pajament a moda simpla e sperta e senza stuair scriver giu fadiusamain las indicaziuns. Las apps gratuitas per iOS ed Android ed ulteriuras infurmaziuns èn disponiblas sin www.gkb.ch/mobile.



Il telefonin sco accumpagnader stabel mida era l'affar bancar. Gia ussa derivan passa diesch pertschient da tut las annunzias a l'e-banking via apparats finals mobilis. MAD

La BCG dat gronda paisa a la segirezza

La BCG protegia las datas da sias clientas e da ses clients cun sistems moderns. L'app Mobile Banking è vegnida sviluppada tenor ils pli novs standards da segirezza. Ultra da l'activaziun singulara da l'e-banking na vegnan retschaviders da pajaments nunenconuscents u persunas che retschaivan per l'emprima giada in pajament betg rendids disponibils directamain. Els ston vegnir verifitgads l'emprima giada cun in code da SMS.

Demonstraziun en indesch agenturas da la BCG en il Grischun

Co ch'ins po sa proteger sco era tips per il diever segir dad e-banking e Mobile Banking intermediesch specialistas e specialists da la BCG il favrer ed il mars en indesch agenturas dal Chantun. En pli vegn

era demonstrà co ch'ins fa pajaments, co ch'ins surdat incumbensas da bursa e da tge ulteriuras funcziuns utilas ch'ins po profiter. Il team è mingamai preschent da las 9.00 fin las 12.00 e da las 14.00 fin las 17.00 en las suandantas agenturas:

- ils 11 da favrer sin la Piazza da la Posta a Cuira
- ils 19 da favrer a Domat
- ils 20 da favrer ad Arosa
- ils 2 da mars a Flem Laax
- ils 3 da mars a Tavau
- ils 4 da mars a Glion
- ils 5 da mars a Scuol
- ils 9 da mars a Landquart
- ils 10 da mars a Lai
- ils 11 da mars a Tusaun.

Infurmaziuns e tips da segirezza per reglar ils affars bancars a moda mobila chatt'ins sin www.gkb.ch/web/sicherheit_e-banking.